

Enformaziuns y Comunicaziuns

Oraziun: En vëndres ai 14 de forá ales 8 da sèra él te stöa dla ciasa dal Sant a Oies na ora de oraziun. Düc é bel enviés da tó pert.

Dotur Agreiter: Le dotur **Edo Agreiter** lascia alessèi che al é demez en lönesc y en dedölönesc ai 10 y 11 de forá (döt le de) y en dedemesaledema ai 12 danmisdé. Al vën sostituí dla doturia Margarete Mahlknecht, da ciafé al numer 349 0667034.

Viadus tal Saltá: Cari geniturs, tla pröma ediziun dal Saltá 2025 gnarál publiché les fotos dai pici y dles piceres nasciüs dal 2024. Sce i èis ligrèza sèise enviés da mené adalerch na fotografia a **palfrader@rolmail.net**, anter i 15 de forá. La foto dess ester de bona cualité, fata jö nia massa da dalunc, che an vèighi bel le müs. Al é da scrí pormez l'ennom dal picio y ince l'ennom y cognom de entrami i geniturs. Lapró él da scrí pla mail: „**I sun a öna che al vègni publiché la foto de (Ennom dal picio)**“.

Ci á pa le maiú valor te mia vita?

Do ci m'orientèii pa pordèrt?
Do i valurs dla fede desco i comandamonc o l'amur por le proscimo, o m'orientèii ma do me enstès? Mèter la porsona desco mosöra de dötes les cosses creïi co sidi le maiú prigo por la porsona. Sce al é ma plü i limic che la jont se mèt enstèssa, spo ne n'él plü degügn.



Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com - Download: www.unitepastorala.org



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann C

09.02.2025 - 5. domègna ia por l'ann

nr. 11

Da sèn ennant piaraste jont!

Dal Vangelo do San Luca 5, 1 - 11

Te chël tomp, ¹dartan che Gejú stea söla spona dal lé de Genèsaret, s'á abiné la jont encër èl y oreá aldí la parora de Dio. ²Danló ál odü döes barches sön spona. I pèiapèsc ea gnüs fora y laâ söes rèis. ³Gejú é jü tla barca, co ea de Sciomun, y l'á perié da jí en toch danciará dla tera. Spo s'ál sonté y ti ensigné ala jont da barca enfora. ⁴Canch'al â roé söa pordica, ti ál dit a Sciomun: Vá fora alaleria! Danló sciürede ostes rèis por la pèscia! ⁵Sciomun ti á respognü: Maester, i án laoré döta net y i n'án pié nia. Mo sön töa parora sciürarái fora les rèis. ⁶Cösc ái fat, y ai á pié en te' gröm de pèsc, che söes rèis manaciâ da se scarzé. ⁷Porchël ti ái fat sègno ai compagns t'l'atra barca, ch'ai gness y i daidass. Ai é gnüs, y deboriada ái emplí entrames les barches cina al ur, ch'ares manaciâ da jí sot. ⁸Canche Sciomun Pire á odü cösc, s'ál peté jö dan i pìsc de Gejú y á dit: Signur, vá demez da me; i sun en piciadú. ⁹Deache èl y düc sü compagns ea romagnüs impresionés y spordüs da odèi tan de pèsc ch'ai â pié; ¹⁰avisa ensiö ti éra ince jüda a laco y a Jan, ai fis de Zebedeus, co laorâ deboriada con Sciomun. Spo ti á Gejú dit a Sciomun: No te temèi! Da sèn ennant piaraste jont. ¹¹Y ai á trat les barches sön spona, á lascé zoruch döt cant y ti é jüs do. **Parora dal Signur! - Lalt a te, Gejú Crist**



La scincunda de Dio a Sciomun y ai discepui descorajés

Gejú ti dá coraje a Sciomun y dij: „No te temèi; da sèn ennant piaraste jont“, deache sce i án crèta te Chël Bel Dio, spo nes delibrèiel da nosc picé y daür dan da nos en orizont nò: colaboré te söa misciun. Le miraco plü gran che Gejú á fat por Sciomun y por i atri pèiapèsc co ea stanc y desplajüs, ne n'é nia tan la rèi plèna de pèsc. Al é plülere che al i á daidé da ne tomé nia tla delujiun y tal descorajamont dan i falimonc. Al i á daorí por i lascé donté anuziadus de söa parora y dal règn de Dio. Y la resposta dai discepui é stada rodunta y plèna: „Ai á trat les barches sön la spona, á lascé döt cant y ti é jüs do“. La Vergine Santa, model de aproaziun plèna dla orenté de Dio, nes dèidi da aldí y sontí la morvèia dla cherdada dal Signur, y ara s'arjigni da colaboré con Èl por slarié fora endlunch söa parora de salvèza.

Papa Francèsch

Edema liturgica dai 09.02. ai 16.02.2025

| | | |
|----------------|--|---|
| DOM 09. | 5. domëgna ia por l'ann | <i>Apolonia, Alexia, Anna Katharina</i> |
| 08:15 | <i>gran mëssa a La Pli</i> | |
| 9:30 | corona por + Remigio Da Col | |
| 10:00 | gran mëssa por dōta la ploania | <i>oferta por la ploania</i> |
| | 2. requiem por +Remigio Da Col dal ann por +Klara Beikircher Hochwieser + Kosta Erwin - ++ Erlacher da Torpei - +Anna Comploi por la familia Samodol | |
| 18:00 | s.m. ad intenziun | |
| Lön 10. | <i>Scolastica, Wilhelm</i> | |
| 19:00 | <i>s.m. a La Pli</i> | |
| Ded 11. | memoria de Santa Maria da Lourdes - de mondial dai amarés, Teodora | |
| 19:30 | corona | |
| Dem 12. | <i>Gregor II, Benedet</i> | |
| Jöb 13. | <i>Adolf, Gisela</i> | |
| Ven 14. | fešta dai Sanc Ziril y Metode (patrons d'Europa), Valentin | |
| 07:30 | s.m. dal ann por +Olga Unterweger Huber dal ann por +Tone Obwegs, Garsun +Engelbert Gottlieb Pfeifhofer por le püres animes | |
| Sab 15. | <i>Siegfried</i> | |
| 07:30 | <i>s.m. a La Pli</i> | |
| 17:30 | corona | |
| 18:00 | s.m. prefestia | |
| | 3. requiem por +Remigio Da Col +Franz Kanetscheider +Angelo Del Buono ++dla familia de Burcia ++Franz, Carolina y Maria Clara ++ dla familia de Pipa rengr. y en onú de S.Ujöp da Oies por la fam. de Pitscheider Bruno y Lies | |
| DOM 16. | 6. domëgna ia por l'ann | <i>Juliana</i> |
| 08:15 | <i>gran mëssa a La Pli</i> | |
| 10:00 | gran mëssa por dōta la ploania | <i>oferta por la ploania</i> |
| | +Matthias Resch - +Carlo Erlacher +Antonia Lanz Miribung ++Albert Sottsas, Ulrich Winkler y Thomas Ploner +Hedwig Willeit Miribung | |

**Glaube ist Liebe zum Unsichtbaren,
Vertrauen aufs Unmögliche, Unwahrscheinliche.**

Johann Wolfgang von Goethe

V. Domëgna ann C

I án proé fora döt, edema dla Fede, dis dla Bibia, de beles festes ... nosta comunité n'é nia plö bona da motivé la jont. "Maester, i án laoré dōta net y pié nia." Cares é pa les consequenzes?

A Scimun ti garétera ciamó da cambié la situaziun. Al se fej coraji y tól la dezijiun:

Sce tö, Gejú, le dijés, ói empó sciüré fora les rëis da pié pësc.

Sce tö le dijés, mo prói ciamó en iade.

Sce tö le dijés, feji plans nös.

Sce tö le dijés, Signur, spo á ince cōsta tōa Dlijia na chance.

Spo enviunse ciamó en iade, vaigun na mëssa straordinaria, ti jun pormez ai atri: chi che i aratun nia da arjunje.

Gejú ne dij nia: Al sará saorí.

Gejú dij ma: "Fajéde cōsc!" (*image*)

11 de forá: Sa. Maria da Lourdes

Miliuns de pelegrins, nanter chisc trec püri tal corp y tal anima, pelegrinëia vigne ann da Sa. Maria da Lourdes. Enló ti él comparí le pröm iade - dan da 160 agn - ai 11 de forá Sa. Maria, la Oma de Dio a Bernadette Soubirous. L'ega dla fontana, che Bernadette á descurí tla grota tartan na compariziun, á forza curativa. Tal ufize de medejina da Lourdes él gnü detlaré 7.000 varijiuns da sōa fondaziun encá cina sëgn; de cōstes n'á la Dlijia reconsciü 70 desco mirachi.

Le de de Sa. Maria da Lourdes, ai 11 de forá, festejēia la Dlijia ince le De mondial dai Amarés y recorda te na manira particulara dōtes les porsones tocádes da valch maratia.

Oraziun por i amarés

I periun! Idio, nos confidun te tōa misericordia. Te tōa bonté áste mené to Fi a nes salvé. Él á varí i amarés, á consolé la jont pūra y á empormetü fortüna y salvēza a chi co crēi en te. Porchël gnunse da te con fidonza. Nos te periun: benedësc nüsc amarés. No i lascé susc. Stái dlungia sc'al i vëgn a mancé le coraji. Dái la speranza da varí y renforza sōa sanité, por Gejú Crist, to Fi, co vir y regnēia con te, tal unité dal Spirit Sant, por düc i secui dai secui. Amen.

(da Laldun le Signur)



Wim Johannesma

Das Wunder am See von Gennesaret besteht nicht in einem reichen Fischfang. Es besteht darin, wie ein Mensch dahin gelangt, sich Gottes wert und würdig zu fühlen.

Eugen Drewermann

Sorvisc dai Ministronc

Sabeda 15/02 (18:00h): Emily Agreiter, Alexander y Andrea Clara, Diana y Matthias Deval, Emma Irsara, Ginevra y Pire Maneschg, David, Isabella y Romina Palfrader, Anna Resch, Martina Rindler, Christian Trebo, Anna, Damian y Matthias Rindler;

Domëgna 16/02 (10:00h): Roman Kaneider, Armin y Simon Trebo

N.B.: Düc i ministronc é entres begnodüs da gní a sorví, ince sce ai n'é nia scric söl!

